

Íbúafundur 14.maí 2013

Punktur úr umræðum. Fundarstjóri var Helga Guðrún Guðjónsdóttir, fundarritari var Kristín Pétursdóttir.

FERÐAÞJÓNUSTA

Hvernig stendur á því að Grundfirðingar fengu ekkert úthlutað úr Framkvæmdasjóði ferðamannastaða?

Svar: Það var ekki sótt um styrk í þennan sjóð, ekkert verkefni framundan sem er grundvöllur þess að fá styrk, enda þegar um t.d. göngustíga og annað slíkt er að ræða þarf að vera búið að undirbúa verkefni með deiliskipulagi. Eitt af verkefnum nýs menningar- og markaðsfulltrúa verður að undirbúa verkefni og sækja um styrki eins og þessa.

Óli Jón Ólason kom í pontu og bar upp nokkrar spurningar:

Á menningar- og markaðsfulltrúi að finna upp verkefni sjálfur?

Á að halda fundi líkt og gert var þegar Jónas var hér?

Kynning á því sem er í boði hér? Verður það gert?

Á að gera nýtt og betra götukort?

Gönguleiðakort vantar, stendur til að bæta úr því?

Hvernig verður með sundlaug og tjaldsvæði? Sameiginlegur rekstraraðili og lengja þá opnunartíma á sundlaug?

Hvernig verður með móttökuhóp skemmtiferðaskipa? Umtalað hvað þessi hópur hafi gert mikla lukku hér. Eldri borgarar komu nálægt þessu síðast og tóku ekkert fyrir.

Kom með hugmynd að „heilsustíg“ Sýndi myndir því til stuðnings, allt gert úr trébjálkum sem ætti ekki að kosta mikið.

Almennt varðandi þjónustu og aðstöðu fyrir eldri borgara, þá stendur Grundarfjarðarbær sig vel miðað við önnur sveitarfélög.

Spurt var hvort sett yrði á laggirnar ferðamálanefnd í tengslum við starf menningarfulltrúa

Svar: Já, menningar- og markaðsfulltrúi mun að eitthverju leyti móta starfið.

Til stendur að stofna nýja nefnd, Menningarmálanefnd sem menningar- og markaðsfulltrúi starfi með. Verður lögð meiri áhersla á þetta svið í framtíðinni. Ferðamálanefnd verður hluti af menningamálanefnd.

Beinagrind komin að starfinu en á eftir að móta betur.

Götukort ekki til og ekki heldur gönguleiðakort. Búið að stika að einhverju leyti gönguleiðir.

Rekstur tjaldsvæðis og sundlaugar verður sameinað í sumar og starfsmenn sundlaugar munu sjá um tjaldsvæði.

Já, opnunartími sundlaugar er of stuttur.

Móttökuhópur, unnið að hugmyndum, mögulega í tengslum við vinnuskólann.

Fáum styrk frá Vinnumálastofnun fyrir fimm störf.

SÖGUMIÐSTÖÐ

Umræða um nafngift Sögumiðstöðvar, því verði ekki breytt í Menningarmiðstöðin Grund
Svar: Góð ábending. Hugmyndin var að horfa til þess að það er breytt hlutverk hjá húsinu.

Ingi Hans sté í pontu og ræddi Sögumiðstöðina. Sagði að bæjarskrifstofa hafi lagt Sögumiðstöð niður og vísaði þar til greinar um Menningarmiðstöðina Grund í Ferða- og sumarhúsablaði Vesturlands. Fór í gegnum sögu Sögumiðstöðvar og félagsins Blöðruskalla. Tilgangur þess að koma á fót sögustarfsemi í Grundarfirði. Var í ferli að að breyta starfsemi í samfélagsmiðstöð.

Ósáttur við að framkvæmdir séu hafnar í húsinu af þeim sem eiga ekkert í því. Engin samþykkt fyrir hendi, fyrir þeim framkvæmdum sem hafnar eru, frá aðalfundi Blöðruskalla. Fjallaði um sögusagnir þess efnis að Ingi Hans hefði dregið sér fé úr sjóðum félagsins. Ingi Hans sagði að lokum: „Þeir sem að breytingum standa í Sögumiðstöð geri það á réttan hátt. Verið er að eyðileggja sögu Grundfirðinga. Nálgast verkefnið með þeirri virðingu sem þær kynslóðir sem hér búa eiga skilið.“

Gísli Ólafs kom í pontu og hélt áfram umræðu um Sögumiðstöð. Það hafi verið vilji allra að Ingi Hans myndi starfa með hlutaðeigandi að breytingum í Sögumiðstöð. Þær breytingar sem eiga sér stað í dag eru nauðsynlegar og leitt að Ingi Hans sé ósáttur við ferlið. Ber fulla virðingu fyrir því. Tók fram að enginn fótur væri fyrir sögusögnum um fjárdrátt.

Full samstaða hjá bæjarstjórn, stjórn Blöðruskalla og stjórn Eyrbyggju-Sögumiðstöðvar við þessar breytingar. Koma félagasamtökum, bókasafni o.fl. inn í húsið til að geta nýtt það allt árið og Grundfirðingar geti notið þess. Óskaði þess að hlutirnir hefðu getað farið öðruvísi.

Þórður Gylfason (Harry) ósáttur við að fá ekki að taka yfir rekstur kaffihússins í sumar, en hann, ásamt fleirum hafa lagt inn fyrirspurn til bæjarráðs. Telur að hann hafi kynnst röngu fólki (fólki í minnihluta) og hafi því ekki fengið jákvæð svör varðandi þetta.

Svar: Þó menn fái góðar hugmyndir þá er bæjarstjórn ekki kölluð til. Harry lét þess ekki getið að auk þess að vera með sushi o.þ.h. hafi komið fram á fundi með bæjarstjóra hugmyndir um að selja pizzur og vera með útsendingu frá fótoltaleikjum. Eftir er að taka ákvarðanir um hvernig skipulagið á veitingasölnunni verður í framtíðinni. Ef það verður boðið út, þá verður það auglýst og menn geta boðið í reksturinn. Vilja fara varlega í því að fara í samkeppni við aðra veitingastaði í bænum. Ákvörðun liggur ekki fyrir. Bent á að hann hefði fullan rétt á því að bjóða í reksturinn ef til þess kæmi.

Spurt var: Hver á Sögumiðstöð?

Svar: Félagið Blöðruskalli á húsið og framkvæmdir eru með fullu samþykki stjórnar.

SORP OG VATN

Spurt var um vatnsgjald. Hvað greiddi Orkuveitan fyrir að fá að innheimta vatnsgjaldið?

Svar: Samið var við Orkuveitu árið 2005 vegna hitaveituf framkvæmda. Nú eru samningaviðræður við Orkuveituna í ferli, m.a. varðandi vatnsveituna. Vatnsgjald hefur hækkað mikið.

Sorpið, það var kynnt þannig að sorpgjöld myndu ekki hækka í framtíðinni en það hefur aldeilis gert það.

Svar: Íbúar borga bara hluta af kostnaðinum við sorphirðu og urðun og hluti er niðurgreiddur af útsvarstekjum bæjarins. Þetta á að breytast, samkvæmt lögum og reglugerðum. Urðunargjöld eru að hækka mikið og þeirri verðskrá ráðum við ekki. Með því að allir leggist á eitt og minnki sorpið sem fer í gráu tunnuna, þá minnkar kostnaðurinn fyrir bæinn, sem er allra hagr.

HEILSUGÆSLA OG MATARSENDINGAR TIL ELDRÍ BORGARA

Heilsugæsla, sameining helgarvakta með Snæfellsbæ. Er þetta ásættanleg staða? Eru íbúar sáttir við þessa ákvörðun? Hvað hefur verið gert? Þurfum við, íbúarnir, ekki að láta í okkur heyra og berjast fyrir þessu málefni?

Því var velt upp hvort það myndi hafa áhrif að við værum mikið í fréttum varðandi sameiningu helgarvöktum. Fram kom ótti við að stefnan sé sú að vakthafandi læknir verði hér aðeins tvisvar í viku.

Svar: Mikil skerðing og mikið áhyggjumál varðandi öryggi okkar. Getur haft áhrif á það að fólk velji að búa hér. Bæjarstjórn er búin að gera allt sem hún gat gert til að mótmæla þessu. Undirskriftalistar voru lagðir fram, haldnir þrjú fundir með stjórnendum og fundur með Velferðarráðherra. Það dugði því miður ekki til. En við gefumst ekki upp. Nefnt var að samstaða sveitarfélaga á Snæfellsnesi þarf að vera til staðar um stefnu fyrir þjónustuna, en það hefur ekki gengið. Þetta er þróun sem er að gerast um allt land.

Heimsendingarþjónusta á mat fyrir eldri borgara. Var gert um tíma en var lagt af. Aðstandandi fékk þau svör að fáir þyrftu á þessari þjónustu að halda. Stefnan er að eldri borgarar séu sem lengst heima þá þarf sveitarfélagið að líta sér nær með þjónustu við þessa aðila þó þjónustan á heimili eldri borgara sé ekki á vegum sveitarfélagsins enn sem komið er.

Svar: Mikill vilji til að leysa þetta og staðan er ekki eins og menn vilja hafa. Eru í skoðun ákveðin mál með stjórnendum Fellaskjól. Grundarfjarðarbær kosti 50% starf í Fellaskjóli og þannig verði hægt að leysa þetta mál. Um þetta hefur þó ekki verið tekin formleg ákvörðun.

Óli Jón benti á að hægt væri að kaupa bíl sem yrði nýttur til að keyra heim mat til eldri borgara ásamt því að hann yrði nýttur í meiri þjónustu til eldri borgara og vísaði til dæmis.